

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 482737 25 St
Tuzla, 24.10.2025. godine

Općinski sud u Tuzli, stečajni sudija Vedran Milašinović, u stečajnom postupku nad stečajnim dužnikom Društvo za proizvodnju, promet i usluge d.o.o. „MEMIĆ KOMERC“ Sapna, Sapna b.b., nakon provedenog stečajnog postupka, donio je dana 24.10.2025. godine sljedeće:

RJEŠENJE

OTVARA SE stečajni postupak nad imovinom dužnika Društvo za proizvodnju, promet i usluge d.o.o. „MEMIĆ KOMERC“ Sapna, Sapna b.b., matični broj subjekta 1-7980, JIB: 4209690830001, račun broj: 1941121675500151 otvoren kod Procredit banka d.d. Sarajevo.

Za stečajnog upravnika imenuje se Denis Husić iz Tuzle.

ZAKLJUČUJE SE stečajni postupak nad imovinom dužnika Društvo za proizvodnju, promet i usluge d.o.o. „MEMIĆ KOMERC“ Sapna, Sapna b.b., zbog nedostatka stečajne mase za pokriće troškova stečajnog postupka.

Rješenje će se objaviti na oglasnoj tabli suda, web stranici suda, Službenim novinama F BiH, te dostaviti FIA.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjelenju registra ovog suda, radi brisanja stečajnog dužnika iz sudskog registra.

Obrazloženje

Rješenjem Općinskog suda u Tuzli broj: 32 0 St 482737 25 St od 25.04.2025. godine, pokrenut je prethodni postupak radi utvrđivanja uslova za otvaranje stečajnog postupka nad imovinom društva Društvo za proizvodnju, promet i usluge d.o.o. „MEMIĆ KOMERC“ Sapna, Sapna b.b., a za privremenog stečajnog upravnika imenovan je Denis Husić iz Tuzle, sve temeljem odredaba člana 61 Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 14.05.2025. godine. Iz izvještaja privremenog stečajnog upravnika i dokumentacije u spisu proizilazi da društvo ne obavlja poslovnu aktivnost duži vremenski period i da je 29.05.2015. godine utvrđen prestanak društva u sudskom registru. Račun društva je blokiran od 14.02.2013. godine u kontinuitetu, a kada je nastupila i platežna nesposobnost. Društvo ima obaveze prema PU F BiH po osnovu javnih prihoda u iznosu od 28.265,21 KM. Društvo nema zaposlenih radnika. Društvo u svom vlasništvu nema nepokretnosti što je utvrđeno uvidom u javne evidencije, nema pokretnih stvari uz napomenu da je ranije bilo vlasnik motornog vozila marke Iveco, reg. oz. 002-T-804 koje je objavljeno i prema izjavi zastupnika rashodovano, nema novčanih sredstava niti bilo kakve druge imovine iz koje bi se mogli finansirati troškovi stečaja i namiriti povjerioci.

Dakle, sud nalazi da je prijedlog dopušten jer je podnesen od strane zakonom ovlaštenog lica i postoji stečajni razlog za otvaranje stečajni postupka predviđen članom 6 stav 2 i članom 102 Zakona o stečaju, te da prijedlog nije podnesen u roku od 60 dana od nastupanja platežne nesposobnosti (račun blokiran 2013. godine, a prijedlog podnesen 24.03.2025. godine).

U smislu odredbe člana 103 stav 1 Zakona o stečaju, a u vezi sa odredbom člana 102 stav 7 Zakona o stečaju F BiH, a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je rješenjem od 10.07.2025. godine pozvao predlagača, povjerioci i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.500,00 KM na ime otvaranja stečajnog postupka, iz kojeg predumjmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica, objavljeno je u Službenim novinama F BiH broj 55/25 dana 23.07.2025. godine, oglasnoj tabli suda dana 11.07.2025. godine i na web stranici suda, kojim se objavama javni poziv smatra dostavljenim.

S obzirom da u ostavljenom roku koji je propisan zakonom predlagač, povjerioci ili neko od zainteresovanih lica nisu izvršili uplatu predujma za obezbjeđenje troškova stečajnog postupka, sud je u smislu odredbe člana 102 stav 8 Zakona o stečaju, donio odluku o otvaranju i zaključenju stečajnog postupka, na način određen u izreci rješenja.

Temeljem odredbe člana 102 stav 8 Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204 stav 1 i 3 Zakona o stečaju, a u vezi sa odredbom člana 190 stav 10 Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti FIA, dok je odredbom člana 204 stav 2 istog zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204 stav 5 Zakona o stečaju.

Na osnovu odredbe člana 206 stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102 stav 8 Zakona o stečaju sud je odlučio kao u izreci rješenja.

Stečajni sudija
Vedran Milašinović

POUKA O PRAVU NA IZJAVLJIVANJE PRAVNOG LIJEKA:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu u Tuzli, putem ovog suda, u roku od 8 dana, od dana objavljivanja rješenja u Službenim novinama.